

歷代刑法考

赦三

刑法考

述赦二

減等

史記將相年表大事記孝惠六年八月赦齊

按通考

十一百七

引司馬氏大事記作赦降今本齊字誤

也是年七月齊悼惠王薨別無事何緣施赦且史表此文之上有立太倉西市一事與齊王薨之文相隔明非一事也降者下也卽後漢之減等也今減等始此梁氏史記志疑謂齊本無罪何赦之有疑八月赦齊四字爲衍文蓋未考通考引此文固在赦中也

漢書惠紀十二年五月丙寅太子卽皇帝位云云上造曰

上及內外公孫耳孫有罪當刑及當爲城旦春者皆耐爲

鬼薪白粲

應劭曰上造爲滿十六者也內外公孫謂王侯內外孫也耳孫者元孫之子也言去其育高益

遠但耳聞之也今日上造有功勞內外孫有骨血屬施
德布惠故事從其輕也李斐曰耳孫會孫也張晏曰公孫
宗室侯王之孫也晉灼曰耳孫元孫之會孫也諸侯王表
在外世師古曰上造第二爵名也內外公孫國家宗室及
外戚之孫也耳孫音仍又匈奴傳說握衍胸鞬單于云
王元孫之子耳孫以此參之李會孫是也然漢書諸處又
烏孫單于耳孫一不應襍兩稱而言據爾雅會孫之子爲元
告云曾孫非一孫以參之李會孫是也然漢書諸處又
孫元孫之子爲來孫來孫之子爲昆孫昆孫之子爲仍孫
從孫而數是爲八葉則與晉說相同仍耳聲相近蓋一號
也

民年七十月上若不滿十歲有罪當刑者皆完之

按漢興才十二年諸侯王之年長者亦不能有八世孫
李以耳孫爲曾孫者近是曾孫又爲遠孫之通稱耳孫
當亦同也惠帝卽位無大赦但施恩于親貴老小四者
或耐或完事從其輕卽赦降之事蓋惠帝卽位之初已
先行之矣

景紀中四年死罪欲腐者許之

詳宮及
教例

按死罪降而爲宮亦減等也是減等之法漢初已行之
弟史不多見耳

光武紀建武二十二年制詔死罪繫囚在戊辰已前減死
罪一等

詳赦例

按減等之名實始見于此自此以後東京遂奉爲成法
矣

二十八年冬十月癸酉詔死罪繫囚皆一切募下蠶室其
女子宮

按景紀死罪欲腐者許之其後蓋遵用此法特史不書
耳此年之詔當承舊法行之景紀言欲腐者許此言募
下其用意正同不强之也

二十九年夏四月乙丑詔令天下繫囚自殊死已下及徒
各減木罪一等

三十一年秋九月甲辰詔令死罪繫囚皆一切募下蠶室其女子宮

明紀永平八年十月詔三公募郡國中都官死罪繫囚減旱一等勿笞詣度遼將軍營屯朔方五原之邊縣其大逆無道殊死者一切募下蠶室

詳從軍

按漢法死罪減一等爲斬左止除肉刑後應笞二百今募徙邊戍故勿笞也

九年春三月詔郡國死罪囚減罪室妻子詣五原朔方

詳從軍

十六年九月令郡國中都官死罪繫囚減死罪一等勿笞詣軍營屯朔方敦煌

詳從軍

章紀建初七年九月詔天下繫囚減死一等勿笞詣邊戍及犯殊死一切募下蠶室其女子宮繫囚鬼薪白粲已上

皆減本罪各一等詳赦例

元和元年八月詔郡國中都官繫囚減死一等勿笞詣邊縣其犯殊死一切募下蠶室其女子宫繫囚鬼薪白粲已上皆減本罪一等

章和元年夏四月丙子令郡國中都官繫囚減死一等詣金城戍七月詔死罪囚犯法在丙子赦前而後捕繫者皆減死勿笞詣金城戍九月詔郡國中都官繫囚減死罪一等詣金城戍犯殊死者一切募下蠶室其女子宫繫囚鬼薪白粲已上減罪一等

和紀永元三年減弛刑徒從駕者刑五月

按但減五月則不及一等矣漢之年刑自一歲至四歲以一歲爲一等五月尙不及一歲之半不知當日減法以何爲準漢律久亡無可考矣

和紀永元六年詔中都官徒各除半刑謫其未竟五月已下皆免遣

按此除刑之半不但減一等矣未竟五月者免遣若以五月爲半刑則全刑僅十月漢無十月刑也除半刑則四歲者爲二歲三歲一歲半二歲者爲一歲一歲爲六月設如本罪爲一歲刑已居作六月以除半言卽可免以未竟五月言則尙多一月免乎不免乎又如本罪爲四歲刑已居作三歲以除半言已過期一歲以未竟五月言則尙多七月免乎不免乎不知當日如何處分也八年八月詔郡國中都官繫囚減死一等詣敦煌戍其犯大逆募下獄室其女子宮

十一年二月詔郡國中都官徒及篤癯老小女徒各除半刑其未竟三月者皆免歸田里

接除半刑與三年六年同而未竟者又以三月爲限所
免之刑期較五月又短不知當日如何除法或曰三乃
五之誤此以意揣無文以證之

安紀元初二年十月詔郡國中都官繫囚減死一等勿笞
請馮翊扶風屯

詳從軍

延光三年九月詔郡國中都官死辜繫囚減罪一等詣敦
煌隴西及度遼營

詳從軍

順紀永建元年十月詔減死辜已下徙邊 五年十月詔
郡國中都官死罪繫囚皆減罪一等詣北地上郡安定戊
陽嘉元年九月詔郡國中都官繫囚皆減死一等

建康元年

冲帝即位

十一月令郡國中都官繫囚減死一等徙

邊

桓紀建和元年四月詔郡國繫囚減死罪一等勿笞其令

徒作陵者減刑各六月

互詳
赦徒

按此減刑六月與前之五月又不同如本罪爲一歲刑實與除半者無異矣

和平元年十一月減天下死罪一等徙邊戍

永興元年十一月減天下死罪一等徙邊戍 二年九月減天下死罪一等徙邊戍

按自此以後遂無減等之文至靈帝時非大赦卽縑贖蓋與舊典不同矣大抵永平以後徙屯爲多實邊之一策也桓帝時尙行之靈帝遂廢而不用亦其時大赦頻仍幾無可減之繫囚世變之亟卽赦事可以見矣

特赦

史記秦紀昭襄王二十一年募徙河東賜爵赦罪人遷之二十六年赦罪人遷之獲二十七年錯攻楚赦罪人遷之

南陽二十八年大良造白起攻楚取鄢郢赦罪人遷之三十四年秦與魏韓上庸地爲一郡南陽免臣遷居之 孝文王元年赦罪人 莊襄王元年大赦罪人

按昭襄王之赦罪人遷之以實初地也始皇之徙謫以實初縣其策實本於此若惠文莊襄之赦卽爲後世改元肆赦之權與矣大赦之名亦始見於此秦事無多附列於此

高紀九年春正月丙寅前有罪殊死以下皆赦之

文紀七年夏四月赦天下

景紀中元年夏四月赦天下 五年六月赦天下 後元

年六月赦天下

武紀元朔三年三月詔曰夫刑罰所以防姦也內長文所

以見愛也晉灼曰長音長吏之長張晏曰長文長文德也師古曰詔言有文德者卽親內而崇長之所以

見仁愛之道見謂以百姓之未洽于教化朕嘉與士大夫

昭紀始元元年秋七月赦天下

元鳳元年夏六月赦天

下 六年夏赦天下

按元鳳於八月改元在赦之後知赦非爲改元也

宣紀元康二年春正月詔曰書云文王作罰刑茲毋赦今

吏修身奉法未有能稱朕意朕甚愍焉其赦天下與士大

夫厲精更始

元紀建昭五年春三月詔曰蓋開明王之治國也明好惡

而定去就崇敬讓而民興行故法設而民不犯令施而民

從今朕獲保宗廟兢兢業業匪敢懈怠德薄明暗教化淺

微傳不云庠百姓有過在予一人其赦天下

成紀鴻嘉三年夏四月赦天下 綏和元年春正月大赦

天下

哀紀建平元年春正月赦天下

光武紀建武二年三月乙未大赦天下詔曰頃獄多寃人
用刑深刻朕甚愍之孔子云刑罰不中則民無所措手足
其與中二千石諸大夫博士議郎議省刑法 四年春正
月甲申大赦天下 五年二月丙午大赦天下 七年春
正月丙申詔中都官三輔郡國出繫囚非犯殊死皆一切
勿案其罪見徒免爲庶民耐罪亡命吏以文除之注亡命
謂犯耐罪而背名逃者令吏爲文簿記其姓名而除其罪
恐遂逃不歸因失名籍 二十四年春正月乙亥大赦天下
明紀永平十六年九月丁卯詔令郡國中都官死罪繫囚
減死罪一等勿答詣軍營屯朔方敦煌妻子自隨父母同
產欲求從者悉聽之女子嫁爲人妻勿與俱謀反大逆無

道不用此書 十八年春三月丁亥詔曰其令天下亡命殊死已下贖死罪縑三十匹右趾至髡鉗城旦春十匹完城旦至司寇五匹吏人犯罪未發覺詔書到自告者半入贖

和紀永元二年春正月丁丑大赦天下 十一年夏四月

丙寅大赦天下

安紀永初元年秋九月丙戌詔死罪以下及亡命贖各有差 六年夏四月丙寅令中二千石下至黃綬一切復秋還贖賜爵各有差 建光元年二月癸亥大赦天下

七月改元

又赦

順紀永建元年冬十月辛巳詔減死罪已下徙邊其亡命贖各有差 漢安二年冬十月辛丑令郡國中都官繫囚殊死已下出縑贖各有差其不能入贖者遣詣臨羌縣居

作二歲

建康元年

卽帝位

十一月己酉令郡國中都官繫

囚減死一等從邊謀反大逆不用此令

桓紀永興二年春正月甲午大赦天下

延熹三年春正

月丙申大赦天下

六年三月戊戌大赦天下

靈紀建甯二年春正月丁丑大赦天下

熹平三年二月

己巳大赦天下

五年夏四月癸亥大赦天下

六年春

正月辛丑大赦天下

光和三年春正月癸酉大赦天下

四年夏四月庚子大赦天下

五年春正月辛未大赦

天下

六年三月辛未大赦天下

中平四年春正月己

卯大赦天下秋九月丁酉令天下繫囚罪未決入縲贖

五年春正月丁酉大赦天下

獻紀初平二年春正月辛丑大赦天下

三年春正月丁

丑大赦天下

興平二年春正月癸丑大赦天下

後主傳建興十二年秋八月大赦天下 延興六年十一

月大赦 九年秋大赦 十二年夏四月大赦 十四年

冬大赦 十七年春正月大赦 十九年大赦無月 二

年大赦上同 景耀四年冬十月大赦

按有有事而赦者有無事而赦者有事之赦前已分類

編之矣無事而赦如元朔三年有詔元康二年有詔建

昭五年有詔皆特赦也其或有事而無可考見亦悉彙

於此以備參考

曲赦

高紀十年七月赦櫟陽囚死罪已下詳大 九月代相國

陳豨反上曰豨嘗為吾使甚有信代地吾所急故封豨為

列侯以相國守代今乃與王黃等劫掠代地吏民非有罪

也能去豨黃來歸者皆赦之 十二年陳豨降將言豨反

時燕王盧綰之豨所陰謀上使辟陽侯審食其迎綰綰稱疾食其言綰反有端春二月使樊噲周勃將兵擊綰詔曰燕王綰與吾有故愛之如子聞與陳豨有謀吾以爲亡有故使人迎綰綰稱疾不來謀反明矣燕吏民非有罪也賜其吏六百石以上爵各一級與綰居去來歸者赦之加爵亦一級

按一赦檟陽囚一赦代吏民一赦燕吏民然曲赦也惟漢時尚無曲赦之名故西漢會要列於別赦其無代吏民一事則遺漏也

文紀三年五月上自甘泉之高奴因幸太原濟北王興居聞帝之代欲自擊匈奴乃反秋七月上自太原至長安詔曰濟北王背德反上誑誤吏民爲大逆濟北吏民兵未至先自定及以軍城邑降者皆赦之復官爵與王興居去來

齊亦赦之八月虜濟北王興居自殺赦諸興居反者

景紀三年正月吳王濞膠西王卬楚王戊趙王遂濟南王辟光菑川王賢膠東王雄渠皆舉兵反大赦天下遣太尉亞夫大將軍竇嬰將兵擊之二月諸將破七國斬首十餘萬級追斬吳王濞於丹徒膠西王卬楚王戊趙王遂濟南王辟光菑川王賢膠東王雄渠皆自殺夏六月詔曰迺者吳王濞等爲逆起兵相脅誅誤吏民吏民不得已今濞等已滅吏民當坐濞等及逋逃亡軍者皆赦之楚元王子藝等與濞等爲逆朕不忍加法除其籍毋令扞宗室

武紀四年赦汾陰夏陽中都死罪以下詳祥六年赦汾陰

殊死以下詳祥赦京師亡命詳從太初二年赦汾陰安邑

殊死以下詳祥

元紀初元四年赦汾陰徒 永光元年赦雲陽徒林詳

成紀建昭二年赦奉郊縣長安長陵及中都官耐罪徒詳

光武紀建武六年五月辛丑詔曰惟天水隴西安定北地
東人爲隗囂所誑誤者又三輔遭難赤眉有犯法不道自
殊死以下皆赦除之 初樂浪人王調據郡不服秋遣樂
浪太守王遵擊之郡吏殺調降秋九月庚子赦樂浪謀反
大逆殊死已下 十八年秋七月吳漢拔成都斬史歆等
王戎赦益州所部殊死已下

明紀中元二年明帝已卽位秋九月燒當羌寇隴西敗郡兵於
允街赦隴西囚徒減死一等 永平十七年秋八月丙寅
令武威張掖酒泉敦煌及張掖屬國繫囚右趾已下任兵
皆一切勿治其罪詣軍營

安紀永初元年六月丁卯赦除諸羌相連結謀叛逆者

按是時先零羌叛斷隴道大爲寇掠遣鄧騭等討之故有是令

五年閏月丁酉赦涼州河西四郡

按是時先零羌寇擾涼州故曲赦河西四郡

元初三年春蒼梧鬱林合浦蠻夷反叛三月丙辰赦蒼梧鬱林合浦南海吏人爲賊所迫者

按宋志云赦一路或一州爲曲赦茲別出之曲赦之名漢世未見六代始有之

赦徒

交紀二年民謫作縣官及貸種食未入未備者皆赦之

互詳重農

景紀十四年赦徒作陽陵者

武紀元封二年赦所過徒

詳巡

宣紀元康元年赦天下徒詳詳五鳳元年夏赦徒作杜陵者

元紀初元四年赦汾陰徒詳永光元年赦雲陽徒詳

成紀建始二年赦奉郊縣長安長陵及中都官耐罪徒詳

三年春三月赦天下徒 河平四年春正月匈奴單于

來朝赦天下徒 陽朔元年赦天下徒詳鴻嘉元年

春二月壬午行幸初陵赦作徒

哀紀建平二年春三月赦天下徒

平紀元始元年六月天下女徒已論歸家顧山錢月三百

師古曰爲此恩者所以行太皇太后之德施惠政於婦人

秋九月赦天下徒 二年赦天下徒詳

光武紀建武五年見徒免爲庶民詳七年見徒免爲庶

民詳特赦

和紀永元元年十月令郡國弛刑輸作軍營其徙出塞者
刑雖未竟皆免歸田里 三年冬十月癸未行幸長安十
二月庚辰至自長安減弛刑徒從駕刑五月 六年詔中
都官徒各除半刑詳災異 十一年詔郡國中都官徒及篤
癯老小女徒各除半刑詳續等
桓紀建和元年夏四月庚寅詔曰比起陵塋彌厯時歲力
役既廣徒隸尤勤頃雨澤不沾密雲復散儻或在茲其令
徒作陵者減刑各六月

別赦

高紀五年初田橫歸彭越項羽已滅橫懼誅與賓客亡入
海上恐其久爲亂遣使者赦橫曰橫來大者王小者侯不
來且發兵加誅

八年秋八月吏有罪未覺發者赦之

按是年高祖過趙貫高等謀弒事未發殆帝已微覺之
故特赦以安反側歟

景紀三年冬十二月詔曰襄平侯嘉

晉灼曰紀通子也

子恢說不

孝謀反欲以殺嘉大逆無道其赦嘉爲襄平侯及妻子當
坐者復故爵論恢說及妻子如法

武紀建元元年五月赦吳楚七國帑輸在官者注應劭曰
吳楚七國反時其首事妻子沒入爲官奴婢者武帝哀焉
故赦遣之也

元光六年春詔曰夷狄無義所從來久聞者匈奴數寇邊
境故遣將撫師古者治兵振旅因遭虜之方入將吏新會
上下未輯代郡將軍公孫敖雁門將軍廣所任不肖校尉
又背義妄行奔軍而北少吏犯禁用兵之法不勤不教將
率之過也教令宣明不能盡力士卒之罪也將軍已下廷

尉使理正之而又加法於士卒二者竝行非仁聖之心朕
閱衆庶陷害欲刷恥改行復奉正議厥路亡繇其赦雁門
代郡軍士不循法者

昭紀元鳳元年冬十月詔曰左將軍安陽侯桀票騎將軍
桑樂侯安御史大夫宏羊皆數以邪枉干輔政大將軍不
聽而懷怨望與燕王通謀置驛往來相約結燕王遣壽西
長孫縱之等賂遺長公主丁外人謁者杜延年大將軍長
史公孫遺等交通私書共謀令長公主置酒伏兵殺大將
軍光徵立燕王爲天子大逆毋道故稻田使者燕倉先發
覺以告大司農敞敞告諫大夫延年延年以問丞相徵事
在宮手捕斬桀丞相少史王壽誘將安入府門皆已伏誅
吏民得以安封延年倉宮壽皆爲列侯又曰燕王迷惑失
道前與齊王子劉澤等爲逆抑而不揚望王反首自新今

酒與長公主及左將軍桀等謀危社稷王及公主皆自伏
辜其赦王太子建公主子文信及宗室子與燕王上官桀
等謀反父母同產當坐者皆免爲庶人其吏爲桀等所誣
誤未發覺在吏者除其罪

宣紀地節四年秋七月大司馬霍禹謀反詔曰酒者東織
室令史張赦使魏郡豪李竟報冠陽侯霍雲謀爲大逆朕
以大將軍故抑而不揚冀其自新今大司馬博陸侯禹與
母宣成侯夫人顯及從昆弟冠陽侯雲樂平侯山諸姊妹
所度遠將軍范明友長信少府鄧廣漢中郎將任勝騎都
尉趙平長安男子馮般等謀爲大逆顯前又使女侍醫淳
于衍進藥殺共哀后謀毒太子欲危宗廟逆亂不道咸服
其辜諸爲霍氏所誣誤未發覺在吏者皆赦除之

宣紀元康二年夏五月詔曰聞古天子之名難知而易諱

也今百姓多上書觸諱以犯罪者朕甚憐之其更諱詢諸
屬諱在令前者赦之

哀紀建平二年夏四月詔曰漢家之制推親親以顯尊尊
定陶恭皇之號不宜復稱定陶尊恭皇太后曰帝太太后
稱永信宮恭皇后曰帝太后稱中安宮立恭皇廟于京師
赦天下徒

章紀建初二年夏四月戊子詔還坐楚淮陽事徙者四百
餘家令歸本郡 元和元年十二月壬子詔曰書云父不
慈子不祗兄不友弟不恭不相及也往者妖言大獄所及
廣遠一人犯罪禁至三屬卽三族也謂父族母族及妻族莫得垂纓仕宦
王朝如有賢才而沒齒無用朕甚憐之非所謂與之更始
也諸以前妖惡禁錮者一皆蠲除之以明弃咎之路但不
得在宿衛而已

安紀永初四年二月乙亥詔曰自建初以來諸祿言宅過坐徙邊者各歸本郡其沒入官爲奴婢者免爲庶人

漢世諸帝赦之次數

高帝二年 正月六月五年 正月六月六年 十二月九年

正月十一年 正月大七月 十二月 四月

按高帝在位十二年其赦天下凡九或曰赦或曰大赦今總彙焉而注大字以別之其五年令曰兵不得休八年萬民與苦甚今天下事畢其赦天下殊死以下六年詔曰天下旣安豪傑有功者封侯新立未能盡圖其功身居軍九年或未習法令或以其故犯法大者死刑吾甚憐之其赦天下蓋高帝當大亂之後不能不赦以與天下更始固非平世所得同也又曲赦三別赦二詳彼

門

惠帝四年 三月

按惠帝在位七年赦天下祇一次減等二贖一詳彼門

呂后

臨朝 大赦

六年 四月

八年 遺詔大赦

按呂后赦三

文帝

卽位

七年十五年

後四年

按文帝在位二十三年凡四赦皆不言大又曲赦一赦

徒一詳彼門

景帝

元年 後元年

三年 大

四年

中元年

五年

按景帝在位十六年凡赦六又曲赦一減死一赦徒一

詳彼門

武帝

建元 元 元 元

元 元 元 元

元 元 元 元

元 元 元 元

元 元 元 元

元 元 元 元

和 年 年 年 年

天 元 元 元

元 元 元 元

元 元 元 元

元 元 元 元

元 元 元 元

按武帝在位五十五年凡赦十八皆不言大又曲赦四

赦徒一詳彼門

昭帝

卽位六年

始元元年四年

元鳳元年二年四年

按昭帝在位十三年凡赦七皆不言大又別赦一詳彼

門

宣帝

卽位大三年

本始元四年

神爵二年

地節二年

五鳳三年

按宣帝在位二十五年凡赦十一言大者四一卽位一

災異一親政一建儲也又別赦一赦徒二詳彼門

元帝

初元元年

二年三年五年

永光元年二年二年四年

按元帝在位十五年凡赦十又赦徒二詳彼門

成帝

卽位大四年

建始元年大鴻嘉三年

河平元年大

陽朔二年元延元年

按成帝在位二十六年凡赦九而六言大又赦徒五詳

彼門

哀帝

卽位大

建平元年二年大

元壽元年大

按哀帝在位六年凡赦四其建平二年之大赦則當時

已蠲除矣又赦徒一詳彼門

平帝

卽位

元始元年四年五年

按平帝在位五凡赦四並言大又赦徒三詳彼門

光武

建武元年二年三年四年五年六年七年二十
四年中元元年

按光武在位三十三年凡大赦十東京之赦皆言大也

七年以前八赦大亂之時不得不以赦安人心也八年

以後中原略定卽不復赦中元元年之赦改元封禪也

二十四年之赦不詳其故是時匈奴內附或卽以此光

武之於赦蓋亦慎之不但因吳漢之言又減等四曲赦

三免徒二詳彼門

明帝 永平二年十年十五年

按明帝在位十八年凡大赦三二年之赦不言大而是
大赦又減等二贖三曲赦二免徒一均詳彼門

章帝 卽位 建初三年 元和二年

按章帝在位十三年凡大赦三又減贖三減等二還徒
一除禁錮一

和帝 永元二年五年十一年十四年 元興元年

按和帝在位十七年凡大赦五又減贖一贖一免徒一
並詳彼門赦徒三詳赦徒

殤帝 延平元年太后詔

按殤帝在位八月大赦一

安帝 永初元年二年四年六年 元初四年 永甯元
年 建光元年 延光元年

按安帝在位十九年凡大赦八又減贖二贖一曲赦三

別赦一一詳彼門

少帝

延光四年

按少帝北鄉侯也在位八月大赦一未改元

順帝

永建元年四年 陽嘉元年三年 永和元年四年 漢安元年 建康元年

按順帝在位十九年凡赦八一永建四年不言大惟此赦復秩屬籍除禁錮三者俱備視餘年之赦爲寬疑紀文奪大字也又減贖二減一贖二一詳彼門

沖帝

按沖帝在位六月改元而未大赦惟減等一

質帝

卽位 本初元年

按質帝在位未二年大赦一

桓帝

建和元年二年 和平元年 元嘉元年 永興元年二年 永壽元年三年 延熹元年三年 四年 六年八年 永康元年

按桓帝在位二十一年凡大赦十四又減等六贖一減
徒一別赦一

靈帝

建寧元年二年四年 熹平元年二年三年四年
五年六年 光和元年二年三年四年五年六年
中平元年二年三年四年五年

按靈帝在位二十二年凡大赦二十幾於無年不赦矣
中平元年三月赦赦黨人也十二月赦改元也一年二
赦漢赦之多無逾桓靈者愈赦愈亂赦何益哉又贖七
詳彼門

少帝

即位 改元

按少帝皇子辯也在位六月大赦二

獻帝

即位 初平元年二年三年四年 興平元年
二年 建安元年

按獻帝在位三十一年凡大赦十一 中平六年少帝二
赦獻帝一赦一年三赦初平三年一年三赦建安元年

二郊二赦蓋自中平六年至建安元年八年之中大赦十三亂世之政不足道矣迨許都既遷政歸曹氏自是遂無赦矣

先主

章武元年

按先主在位三年大赦一

後主

建興元年十二年 延熙元年六年九年十二年
十四年十七年十九年二十年 景耀元年四年
炎興元年

按後主在位四十一年凡大赦十三自建興元年至十二年中間十年不赦武侯之政也侯薨卽赦俗見之難除也

按此有漢一代之赦事也大抵盛時赦少亂時赦多文帝在位二十三年祇四赦靈帝在位二十二年凡二十赦蓋幾於無歲不赦而黨人獨不赦惡人幸而善人傷

何顛倒如斯也。迨亂作而後赦黨人而天下已潰敗決裂不可挽回矣。武侯之治蜀十年不赦武侯薨而赦遂多此孟光之所以責費禕也。

赦四

刑法考

述赦三 大赦

魏

魏志文紀延康元年十月卽阼改延康爲黃初大赦

按文帝在位七年大赦一又曲赦二

明紀黃初七年五月卽位大赦 太和二年四月赦繫囚
非殊死以下 四年十月合罪非殊死聽贖各有差 五
年七月皇子殷生大赦 青龍二年三月大赦 景初元
年五月大赦 二年四月大赦

按明帝在位十三年大赦五赦非殊死一贖一又曲赦

一

三少帝紀齊王芳景初三年正月卽位大赦 秋七月上
始親臨朝聽公卿奏事八月大赦 正始四年帝加元服

四月立皇后甄氏大赦 嘉平元年正月大赦

誅曹爽

三

年四月大赦 四年立皇后大赦 五年四月大赦 六

年二月大赦

誅李豐夏侯元

四月立皇后大赦

按齊王在位十五年大赦九

高貴鄉公嘉平六年十月卽位大赦改元

正元

二年立皇后

大赦 甘露二年九月大赦

按高貴鄉公在位七年大赦三又曲赦三

陳留王甘露五年六月卽位大赦改元

景元

四年立皇后

十一月大赦 咸熙二年九月大赦

按陳留王在位六年大赦三又曲赦二 魏氏歷年四

十六而大赦二十一以三少帝時爲多國運衰則赦多

也

少帝齊王紀景初元年卽位官奴婢六十已上免爲良人

正始七年秋八月戊申詔曰屬到市觀見所斥賣官奴婢年皆七十或癯疾殘病所謂天民之窮者也且官以其力竭而復鬻之進退無謂其悉遣爲良民若有不能自存者郡縣振給之注臣松之案帝初卽位有詔官奴婢六十以上免爲良人既有此詔則宜遂爲永制七八年間而復貨年七十者且七十奴婢及癯疾殘病並非可售之物而鬻之於市此皆事之難解

按衰世之政有不可以常理論者卽位時雖有詔奉行者不力故甫七八年而尙有此等人惟此等人不能力作官方鬻之而孰肯買之此則真不可解者

吳

孫權傳黃武三年八月赦死罪 黃龍元年四月卽皇帝位大赦改元 三年會稽南始平言嘉禾生十二月丁卯

大赦改明年元也次年爲嘉禾元年三年正月大赦以公孫淵赤

烏五年立子和爲太子大赦八年八月大赦十年十

月赦死罪太元元年立皇后大赦改元二年二月大

赦改元爲神鳳

孫亮傳太元二年四月卽位大赦改元建興二年正月立皇

后大赦十月大赦孫峻殺諸葛恪太平元年十月大赦改元

二年四月亮臨正殿大赦始親政事九月大赦

孫休傳太平三年九月卽位大赦改元永安七年正月大

赦七月大赦

孫皓傳永安七年七月卽位改元大赦元興甘露元年四

月改元大赦十一月大赦寶鼎元年八月改元大赦

二年春大赦建衡元年十月改元大赦是歲大赦

三年正月大赦時克交趾鳳皇元年八月大赦二年九月

大赦時封諸王

天冊元年大赦改元不言何月

天璽元年改年

大赦

時於臨平湖邊得石雨刻上作皇帝字

八月應陽山石封禪國山明年文理成字

改元大赦天紀

二年七月大赦立諸王四年春大赦立諸王

按孫氏四主權在位三十一年大赦七赦死罪二亮在位七年大赦六休在位七年大赦三皓在位十七年大赦十五皓政暴亂而赦最多可以見赦非盛世事也魏吳二國卽位立后必赦而改元不盡赦如魏之青龍吳之赤烏元年皆未赦

晉

晉書武紀泰始元年十二月卽位大赦除舊嫌解禁錮亡官失爵者悉復之 四年正月丙戌律令成丁亥耕藉大赦有詔 八年六月大赦 咸甯元年正月大赦改元 二年十月立皇后大赦 五年四月大赦降除部曲督以下

質任 太康元年三月平吳大赦改元

一 按武帝在位二十六年大赦七又曲赦二赦徒三別赦

惠紀太熙元年四月卽位大赦改元 永平元年三月誅

駿大赦 二年八月大赦 六年正月大赦 八年三月

大赦 永康元年大赦改元 四月趙王倫等矯詔廢賈

后大赦 十一月立皇后大赦 永甯元年四月帝復位

大赦改元 六月立皇太孫大赦 八月大赦戊辰原徙

邊者 大安元年十二月大赦河間王頌表 二年八月

大赦河間成都二王舉兵逼京師 十一月大赦張方害長沙王又 永興元年

正月大赦改元永安 三月立成都王穎爲皇太弟大赦

七月討穎戊戌大赦六軍敗績帝幸鄴庚辰大赦改元

建武 八月張方迎帝辛巳大赦 十一月方劫帝幸長

安僕射荀藩等在洛陽爲留臺景午留臺大赦改元復爲永安 十二月以陳章王熾爲皇太弟大赦改元 二年八月大赦 光熙元年五月帝還洛陽六月大赦改元 按惠帝在位十七年大赦二十三又曲赦五永康元年永甯元年並一歲三赦永興元年一歲七赦是時二后肇禍八王構難政之紛拏不足道也

懷紀光熙元年十一月卽位大赦 永嘉元年正月大赦改元除三族刑三月立皇太子大赦 二年正月大赦十二月大赦 四年正月大赦

按懷帝在位五年大赦六又曲赦二

愍紀永嘉六年荀藩等奉爲皇太子大赦 建興元年四月卽位大赦改元 二年正月大赦 三年四月大赦 六月地震大赦

按歷帝在位四年大赦五

元紀建武元年二月卽晉王位大赦改元其殺祖父母父
母及劉聰石勒不從此令 太興元年三月卽位大赦改
元 二年十二月大赦 永昌元年正月大赦改元 四
月王敦反入石頭大赦

按元帝在位六年大赦五又別赦一

明紀永昌元年閏月卽位大赦 太甯二年七月王敦死
大赦惟敦黨不原十月詔王敦羣從一無所問 三年三
月立皇太子大赦

按明帝在位三年大赦三又赦徒一

成紀太甯三年閏月卽位大赦 咸和元年二月大赦
三年二月蘇峻反矯詔大赦 四年二月蘇峻誅大赦
五年正月大赦 七年正月大赦 咸康元年正月帝加

元服大赦改元 二年二月立皇后大赦 五年正月大赦 六年三月大赦 八年正月大赦

按成帝在位十七年大赦十內一不數又赦徒二

康帝咸康八年六月卽位大赦 建元元年十一月大赦

按康帝在位二年大赦二

穆紀建元二年九月卽位大赦 永和二年正月大赦

三年六月大赦 五年正月大赦 九年正月大赦 升

平元年正月帝加元服大赦 八月立皇后大赦 五年

正月大赦

按穆帝在位十七年大赦八

哀紀升平五年五月卽位大赦 隆和元年正月大赦改

元 興甯元年二月大赦改元九月皇子生大赦

按哀帝在位四年大赦四

廢帝紀興甯三年二月卽位大赦 三年正月大赦 六年四月大赦

按廢帝在位六年大赦三又曲赦一

簡文紀興甯六年十一月卽位大赦

按簡文在位二年大赦一

孝武紀咸安二年七月卽位大赦 甯康二年正月大赦 三年正月大赦 八月立皇后王氏大赦 太元元年正月帝加元服大赦 五月地震大赦 四年正月大赦 五年六月以比歲荒儉大赦自太元三年以前逋租宿債皆赦除之 七年八月大赦 八年二月大赦 十二年以寇難初平大赦 九年十月以元象乖度大赦 十一年三月大赦 十二年正月大赦 八月立皇太子大赦 十五年三月地震大赦 十七年正月大赦

接孝武在位二十四年大赦十七又赦徒二別赦一

安紀太元二十一年九月卽位大赦 隆安元年四月大

赦殺王國寶 二年王恭等反誅恭十月大赦 四年正

月大赦七月大赦 元興元年正月大赦改元 三年帝

在尋陽三月密詔大赦謀反大逆已下惟桓元一祖之後

不宥五月誅桓元大赦凡諸畏逼事屈逆命者一無所問

義熙元年正月大赦改元惟元振一祖及同黨不在原例

桓元 三年二月大赦 五年正月大赦 六年五月大

赦 八年九月劉裕害劉藩謝混矯詔曰劉毅包藏禍心

搆逆南夏藩混助亂志肆姦宥賴甯輔元鑒撫機挫銳凶

黨卽戮其大赦天下惟劉毅不在其例 十一年正月大

赦九月大赦 十二年八月伐姚泓大赦 十四年正月

大赦

按安帝在位二十二年大赦十六又曲赦一

恭紀義熙十四年十二月卽位大赦

按恭帝在位二年大赦一

宋

宋書武紀永初元年六月卽位大赦改元其有犯鄉論清議贓汙淫盜一皆蕩滌洗除與之更始長徒之身特皆原遣亡官失爵禁錮奪勞一依舊準七月原放劫賊餘口沒在臺府者諸徙家並聽還本土八月開亡叛赦限內首出蠲租布二年先有資狀黃籍猶存者聽復本土 癸酉立王太子爲皇太子乙亥詔見刑罪無輕重可悉原赦限百日以今爲始先因軍事所發奴僮各還本土若死亡及勳勞破免亦依限還直 二年正月郊大赦 三年正月詔刑罰無輕重悉皆原降 三月上疾瘳大赦

按武帝在位三年大赦三赦見罪人一原降一

少帝紀永初三年五月卽位大赦 景平元年正月大赦
改元 三年皇太后令廢帝赦死罪以下

按少帝在位二年大赦二廢後赦死罪一

文紀元嘉元年八月卽位大赦改元 二年正月帝親政

郊大赦 三年正月討謝晦西征大赦 二月繫囚見徒

一皆原赦 六年立皇子劭爲皇太子大赦 八年六月

大赦 十年正月大赦 十二年正月大赦 十三年四

月大赦殺樓道濟 十四年正月郊大赦 十六年十二月皇

太子冠大赦 十七年十月誅劉湛大赦 十九年四月

以久疾愈始奉初祠大赦 二十一年正月大赦通考云親耕籍

冊 二十三年四月大赦 二十四年正月大赦繫囚降

宥 二十六年三月謁京陵大赦 二十七年十一月索

虜內寇大赦

按文帝在位三十年大赦十七赦繫囚見徒一又曲赦四赦徒一

孝武紀元嘉三十年四月卽位大赦賊汗清議悉皆蠲除
孝建元年正月改元大赦 七月誅南郡王義宣大赦
二年六月以國哀除釋大赦 三年正月立皇太子妃
何氏大赦 大明元年正月改元大赦 三年七月誅竟
陵王誕大赦 四年正月耕藉大赦尙方徒繫及逋租宿
債大明元年以前一皆原除 六年正月郊祀明堂大赦
七年二月駕巡南豫南兗二州大赦 十二月行幸歷
陽大赦

按孝武在位十一年大赦十一又曲赦七別赦三
前廢帝紀大明八年閏五月卽位大赦 永光元年正月

大赦 景和元年即永光十一月皇子生大赦天下賊汙淫盜悉皆原除

按前廢帝在位二年大赦三曲赦二

明紀泰始元年十二月卽位大赦改元犯鄉論清議賊汙淫盜並悉洗除長徒之身特賜原遣亡官失爵禁錮舊勞一依舊典其昏制謬封並皆刊削 二年九月誅晉安王子勛等大赦 三年八月北討大赦 四年正月祠南郊大赦 五年正月耕藉田大赦 六年皇太子納妃大赦天下巧注從軍不在赦例 七年八月以疾愈大赦

按明帝在位八年大赦七又曲赦十一

後廢帝紀泰豫元年四月卽位大赦 元徽元年正月改元大赦自元年以前貽罪徙放者悉聽還本土 二年五月桂陽王休範反大赦 十二月御卹元服大赦 四年

正月耕藉田大赦 七月建平王景素反伏誅大赦 五年六月誅沈勃等大赦

按後廢帝在位五年大赦七又曲赦一

順帝紀元徽五年七月卽位改元昇明大赦 十二月大

赦沈攸之等二年十月立皇后謝氏減死梟一等五歲刑

以下悉原

按順帝在位五年大赦二減死赦徒一

南齊

南齊書高紀建元元年四月卽位大赦改元有犯鄉論清議賊汗淫盜一皆蕩滌洗除先注與之更始長徒赦繫之囚特皆原遣亡官失爵禁錮奪勞一依舊典又詔劫賊餘口沒在臺府者悉原赦諸負贓流徙者聽還本土 六月立皇太子躋斷諸州郡禮慶見刑入重者降一等并申前

赦恩百日 二年正月大赦 三年六月大赦

按高帝在位四年大赦三降等一又曲赦四

武紀建元四年三月壬戌卽位大赦 六月立皇太子長

懋詔申壬戌赦恩百日 永明元年正月辛亥郊大赦改

元 三月癸丑詔申辛亥赦恩五十日以期訖爲始京師

囚繫悉皆原宥三署軍徒優量降遣

詔文有星緯失序陰陽愆度語而紀內未

書災異 戊寅詔四方見囚罪無輕重及劫賊餘口長徒赦繫

悉原赦 六月詔凡坐事應覆治者在建元四年三月已

前皆原宥 三年正月郊大赦都邑三百里內罪應入重

者降一等餘依赦制劾繫之身降遣有差 四年閏月耕

藉詔見刑罪殊死以下悉原宥 七年正月郊大赦 八

年七月大赦

詔曰緯象愆度紀未書災異

按武帝在位十一年大赦五中赦二赦見囚二赦覆治

鬱林王紀隆昌元年改元大赦

按六代諸帝卽位赦改元又赦惟鬱林卽位未赦

海陵王紀延興元年七月卽位大赦改元

按鬱林海陵二王在位皆未一年大赦各一

明紀建武元年十月卽位大赦改元劫賊餘口在臺府者可悉原放負豐流徙竝還本鄉 二年十月納皇太子妃

大赦 四年正月大赦

按明帝在位五年大赦三又曲赦三

東昏侯紀永元元年正月大赦改元卽位未赦四月立皇太子

大赦 九月以頻誅大臣大赦 二年五月誅江夏王寶

元大赦 三年正月郊大赦

按東昏在位三年大赦五又曲赦五

和紀永元三年正月受命大赦唯梅蟲兒茹法珍等不在
赦例 中興元年三月卽位大赦改元 梁書武紀中興
元年十二月封建安郡公下令大赦天下唯王暄之等四
十一人不在赦例

按和帝在位一年大赦三曲赦一中興元年十二月之
赦雖出梁武之令尙是和帝時事

梁

梁書武紀天監元年四月卽位大赦改元如宋齊三年五

月大赦 四年正月郊赦通考云五年十一月以師出

淹時大赦時伐魏六年八月赦 七年四月皇太子納妃

赦大辟以下 八月丁巳赦大辟以下未結正者通考云

釋生紀不書元帝紀以天監七年八月丁巳生通考當本此八年正月郊赦通考云

十年正月郊大赦 十二年正月郊赦大辟以下 十三

年二月耕藉赦 十四年正月皇太子冠赦通考云 十

五年九月赦通考無 十六年耕藉赦罪人本紀無 十八

年四月大赦通考云受佛 普通元年改元大赦 二年

正月郊大赦 三年五月壬辰朔日有蝕之既癸巳赦通考

云大 四年正月郊大赦 六年正月郊大赦 七年赦殊

死已下十一月大赦 大通元年三月幸同泰寺捨身還

宮赦改元 中大通元年正月祠南郊大赦 六月大赦

九月幸同泰寺捨身十月還宮大赦改元 三年正月

郊大赦 七月立皇太子大赦 五年正月郊大赦 六

年二月耕藉田大赦 大同元年正月大赦改元 二年

正月郊大赦 八月幸阿育王寺赦通考云設無 四年

七月以東治徒李膺之降如來眞形舍利大赦 六年八

月赦 七年正月郊赦 十年九月詔曰今茲遠近雨澤

調適其穫已及糞必萬箱宜使百姓因斯安樂凡天下罪

無輕重已發覺未發覺討捕未擒者皆赦宥之侵割耗散

官物無問多少亦悉原除田者荒廢水旱不作無當時文

例應追稅者并作田不登公格者並停各備臺州以文最

逋殿罪悉從原其有因饑逐食離鄉去土悉復業蠲課五

年通考云大赦中大同元年三月大赦凡主守割盜放散官物

及以軍糧器下凡是赦所不原者起十一年正月以前皆

悉從恩十一年正月已後悉原加責其或爲事逃叛流移

因饑以後亡鄉失土可聽從業蠲課五年停其徭役其被

拘之身各還本郡舊業皆悉還之四月於同泰寺解講設

法會大赦改元 大清元年五月郊大赦清議禁錮並皆

宥釋所討逋叛巧籍隱年閩丁匿口開恩百日各令自首

不問往罪流移他鄉聽復宅業蠲課五年 三月幸同泰

寺設無遮大會捨身四月還宮大赦改元

按武帝在位四十八年凡赦三十七內不言大者十二
未知當時有分別否通考或亦引作大赦也赦死罪以
下三又曲赦十三

簡文紀大清三年五月卽位大赦 大寶元年大赦改元

二年八月侯景矯爲太宗詔禪于豫章王棟大赦改年
按簡文在位二年大赦二侯景矯詔一

元紀承聖元年五月下令赦時未卽位 十一月卽位赦有詔無

大赦之文通考圖
書集成並稱大赦

按元帝在位三年赦二不言大

敬紀紹泰元年九月卽位十月大赦 太平元年正月大
赦其與任約徐嗣徽叶契同謀一無所問 六月大赦時

齊 九月改元大赦

接敬帝在位二年大赦二又曲赦三

陳

陳書高紀永定元年十月卽位大赦

如宋齊梁

二年正月郊詔罪無輕重已發覺未發覺在今昧爽以前皆赦除之西寇自王琳以下並許返迷一無所問

通考云大赦

接高祖在位三年赦二一言大又別赦一

文紀永定三年六月卽位大赦 天嘉元年大赦改元

二年正月大赦 三年三月大赦 四年十二月大赦

天康元年二月大赦改元

詔內有參患淹時允陽累月語

按文帝在位七年大赦六又曲赦七別赦二

廢帝紀天康元年四月卽位大赦 光大元年正月大赦

改元

按廢帝在位二年大赦二又曲赦一

宣紀太建元年正月卽位大赦改元 二年三月大赦

三年三月大赦又詔犯逆子弟支屬逃亡異境者悉聽歸

首見繫繫者量可散釋其有居宅並追還 四年九月日

有蝕之大赦 十年三月大赦 十一年十一月大赦詔

按宣帝在位十四年大赦六在六代時赦爲少又曲赦

二別赦一

後主紀太建十四年正月卽位大赦 七月大赦 九月

設無尋大會於太極殿捨身大赦 至德元年正月大赦

改元 三年正月大赦 十一月大赦 三年十一月幸

長干寺大赦 四年十一月大赦有 禎明元年正月大

赦改元 九月大赦

按後主在位七年大赦十

北魏

魏書昭成紀建國三十四年七月皇孫珪生大赦

按魏初赦事僅見此

明元紀登國七年太宗生于雲中宮太祖晚有子聞而大悅乃大赦

道武紀天興元年十二月大赦改元帝始御袞服

天賜元年

十月大赦改元

按道武在位三十三年大赦二又曲赦一

明元紀永興元年十月卽位大赦改元 五年五月行幸

雲中舊宮大赦 神瑞元年正月以禎瑞頻集大赦改元

泰常元年四月大赦改元

按明元在位十五年大赦四又曲赦一

太武紀泰常八年十月卽位大赦 神麤元年四月出于

河西大赦

三年正月大赦西巡狩還宮

延和元年正月立

皇后皇太子大赦 二年十二月大赦 太延元年正月
壬午降死刑已下各一等甲申大赦改年 四年五月大
赦 太平眞君元年六月皇孫濬生大赦改年 四年四
月大赦 九年十月大赦 正平元年五月大赦六月改
年 二年三月帝崩中常侍宗愛殺東平王翰迎南安王
余入而立之大赦改元爲永平

按太武在位二十九年大赦十一降等一又曲赦一別
赦一又南安王大赦一

文成紀正平二年十月卽位大赦改年 二年八月詔殊
死已下各降罪一等 興光元年七月皇子宏生大赦改
年 二年二月立皇太子大赦 四年九月太華殿成饗
羣臣大赦 和平元年正月大赦改元 六年正月大赦
按文成在位十一年大赦六降等一

獻文紀和平六年五月卽位大赦 天安元年正月大赦
改元 皇興元年皇子生大赦改元 三年四月名皇子
曰宏大赦六月立皇太子大赦 四年四月大赦

按獻文在位六年大赦六又曲赦二

孝文紀皇興五年八月卽位大赦改元延興承明元年六月

太上皇帝崩大赦改年十月幸建明佛寺大宥罪人 太

和元年八月大赦 三年十月大赦 五年二月大赦

六年正月大赦 七年閏月皇子生大赦 八年六月變

改大赦 十年名皇子曰恂大赦 十二年四月大赦

十六年四月班新律令大赦 十七年遷都大赦 十

九年十一月郊大赦 二十三年正月車駕至自鄴告格

廟社行飲至策勳禮大赦

按孝文在位二十九年大赦十五又曲赦十三赦徒二

別赦五

宣武紀太和二十三年四月卽位大赦 景明元年正月
大赦改年 二年二月親政大赦七月大赦 正始元年
正月大赦改元 三年正月皇子生大赦 承平元年八
月大赦改年 三年三月皇子生大赦 延昌二年八月
減降死罪以下有詔以水旱互侵

按宣武在位十六年大赦七又曲赦五

孝明紀延昌四年正月卽位大赦改元八月帝朝皇太后
於宣光殿大赦 熙平元年正月大赦改年 二年正月
大赦 神龜元年詔以神龜表瑞大赦改年 二年二月
羽林千餘人焚征西將軍張彝第大赦十二月大赦 正
光元年七月帝加元服大赦改年 三年十一月郊大赦
五年六月大赦 孝昌元年二月大赦六月大赦改年

一年四月大赦 三年七月大赦 武泰元年皇女生祕
言皇子大赦改元二月帝崩皇子卽位大赦

按肅宗在位十三年大赦十五又曲赦六又皇子大赦

一

孝莊紀武泰元年四月卽位大赦改元建義九月以平葛榮

大赦改爲永安元年 二年七月大赦元顯敗走帝歸洛陽 三年

三月以關中平大赦九月誅爾朱榮大赦十月皇子生大赦爾

朱兆推長廣王暕爲主大赦所部十二月元暕大赦

按孝莊在位三年大赦五又曲赦一又長廣王赦二

前廢帝紀普泰元年三月卽位大赦改元

後廢帝紀普泰元年十月卽位大赦稱中興元年

出帝紀中興二年四月卽位大赦改太昌元年十二月殺

汝南王悅大赦改爲永熙元年 三年二月大赦

按前廢帝在位二年大赦一後廢帝在位二年大赦一
出帝在位三年大赦三

孝靜紀永熙三年十月卽位大赦改天平元年 三年七月大赦 四年四月遷七帝神主入新廟大赦 元象元年正月巨象自至鄴郡陂中南兗州獲送于鄴大赦改元興和元年五月立皇后大赦 十一月以新宮成大赦 二年徙御新宮大赦 武定元年正月大赦改元 五月以克復虎牢降天下死罪以下囚 二年三月以旱故宥死罪以下囚 三年五月大赦 五年五月大赦 六月三月以冬春亢旱赦罪人各有差 七年八月大赦

按孝靜在位十七年大赦十一赦一降宥二

北史魏文紀大統元年正月卽位改元四月降罪人 三年二月獲神璽大赦 四年三月立皇后大赦 六年二

月降罪人 九年正月降罪人七月大赦 十三年三月大赦 十四年正月皇孫生大赦 十六年九月大赦
按文帝在位十七年大赦六降二

魏起朔方昭成以前赦惟一見道武明元之世赦事亦希太武文成慚多赦事獻文以後又幾於無歲不赦矣
西魏廢帝在位二年恭帝在位一年皆無赦則宇文氏不以君視之

北齊

北齊書文宣紀天保元年五月卽位大赦改元六月以皇太子初入東宮赦畿內及并州死罪已下餘州死降徒流已下一皆原免 五年七月降罪人 七年七月大赦
按文宣在位十年大赦二降免一降一

廢帝紀天保十年十一月卽位大赦 乾明元年正月親

錄囚徒降免各有差

按廢帝在位一年大赦一降免一

孝昭紀皇建元年八月卽位大赦改元 二年正月郊禘
詔降罪人各有差

按孝昭在位二年大赦一降一

武成紀大甯元年十一月卽位大赦改元 河清元年立
皇后立皇太子大赦四月以河濟清改大甯二年爲河清
降罪人各有差 三年三月以律令班下大赦

按武成在位五年大赦三降一

後主紀天統元年四月卽位大赦改元河清四年四月太

占當有易王乃傳位於皇太子二年正月郊禘祭於太廟詔降罪人各有

差三月以旱故降禁囚 三年二月帝加元服大赦十一

月以晉陽大明殿成大赦 四年十二月太上皇帝崩大

赦 武平元年二月降死罪已下囚六月皇子恆生大赦
三年十月降死罪已下囚拜宏德夫人穆氏爲左皇后
大赦 五年五月大赦 七年正月大赦十二月甲寅大
赦罪丁巳大赦改元 幼主隆化二年正月卽位改元大
赦

按後主在位十一年大赦十降四又幼主大赦一

北周

孝閔紀元年正月卽位大赦未建四月詔死罪已下各降
一等八月詔曰今秋律已應將行大戮其犯者宜降從流
流以下各降一等不在赦限者不從此降

按孝閔在位一年大赦一降二

明紀元年九月卽天王位大赦 二年四月降死罪一等
五歲刑已下皆原之七月順陽獻三足烏八月大赦十二

月大赦 武成元年八月改天王稱皇帝大赦改元

按明帝在位四年大赦四降一

武紀武成二年四月卽位大赦 保定元年七月旱詔所
在見囚殊死以下一歲刑以上各降本罪一等百鞭以下
悉原免之 二年二月以久不雨降宥罪人五月以山南
嵐瑞並集大赦 三年七月幸津門降死罪一等 四年
九月以皇世母閻氏自齊至大赦護之 五年幸秦州降死
罪以下 天和元年正月大赦 三年三月皇后阿史那
氏至自突厥大赦 五年六月以皇女生降宥罪人 建
德元年正月帝幸元都觀親御法座講說公卿道俗論難
事畢還宮降死罪及流罪一等其五歲刑已下並宥之三
月詠晉國公護大赦改元四月立皇太子大赦 三年二
月大赦 五年十二月平齊大赦 六年正月詔去年大

赦班宣未及之處皆從赦例

按武帝在位十九年大赦九降六

宣紀宣政元年六月卽位大象元年正月大赦改元大成
二月傳位皇太子衍大赦改大成元年爲大象元年 二
年四月詔率土見囚死罪竝降從流流罪從徒五歲刑已
下悉皆原宥其反叛惡逆不道及常赦所不免者不在降
例

按宣帝在位二年大赦一降宥一

靜紀大象二年五月大赦八月相州平大赦其共迥元謀
執迷不悟及迥子姪逆人司馬消難王謙等不在赦例
是
六月相州總管
尉澤迥舉兵

按靜帝在位二年大赦一又別赦一

隋

隋書文紀開皇元年二月卽位大赦改元四月大赦 三
年正月將入新都大赦九月幸城東觀稼穀大赦 六年
二月大赦 九年四月平陳大赦 十五年正月以歲旱
大赦四月大赦 十九年正月大赦 仁壽元年正月大
赦改元 四年正月大赦四月上不豫六月大赦

按文帝在位二十四年大赦十二又曲赦五降囚徒四
賜紀大業元年正月大赦改元 二月人東京大赦 三
年四月頒律令大赦 四年八月祠恆岳大赦 五年六

月大赦天下開皇己來流配悉放還鄉晉陽逆黨不在此
例時西 八年四月大赦自大業八年四月十六日昧爽

已前大辟罪己下已發覺未發覺已結正未結正繫囚見
徒罪無輕重皆赦除之其常赦所不免謀反大逆妖言惑
眾語及國家並不在赦例

見冊府元龜有詔本紀不載

九年正月大

赦 十年十二月如東都大赦

按煬帝在位十四年大赦八又曲赦三

恭紀義甯元年十一月大赦改元

按恭帝在位一年大赦一

十六國

漢劉淵元熙元年稱王赦其境內 永鳳元年卽皇帝位
大赦改元 河瑞元年汾水中得玉璽以爲己瑞大赦改
元 二年赦其境內

劉聰光興元年卽位大赦 嘉平元年克洛陽大赦改元
三年立后大赦境內殊死已下 建元元年以太廟新
成大赦改元 麟嘉元年陷長安大赦 二年立太子大
赦

劉粲漢昌元年卽位大赦

劉曜光初元年卽位大赦惟新準一門不在赦例 二年
改國號曰趙大赦境內殊死已下 三年討句渠知大赦
四年終南山崩得白玉以爲己瑞大赦 五年葬其父
及妻大赦 七年曲赦隴右殊死已下惟陳安趙募不在
其例 十年病瘳曲赦長安殊死已下 十一年以夜夢
不祥大赦

以上前趙

趙石勒元年稱王赦殊死已下 太和元年獲黑兔大赦
改元 建平元年二月稱天王大赦九月稱帝大赦改元
赦三歲刑已下特赦涼州殊死 二年郊赦四歲刑耕藉
田赦五歲刑 四年錄囚徒五歲刑已下皆輕決遣之
石宏延熙元年赦殊死已下 虎拔長安大赦
石虎建武元年稱居攝天王大赦改年九月遷都鄴大赦

二年赦二歲刑

運洛陽鐵籠九龍于鄴

三年稱大趙天王大赦

六年以星虹之變京獄見囚非手殺人一皆原遣大

甯元年稱帝大赦改元

石遵卽位大赦

石鑒卽位大赦

冉閔永興元年卽位大赦改元國號魏

以上後趙

燕慕容皝四年稱王大赦 十二年黑龍一白龍一見于

龍山赦其境內

慕容儁十五年卽位大赦 元璽元年稱帝卽位大赦

光壽元年正月立皇太子大赦十二月入鄴宮大赦

慕容暉光壽四年卽位改元建熙誅慕容與根等大赦

以上前燕

秦苻健皇始元年卽天王位大赦 二年稱帝大赦

苻生皇始五年卽位大赦改元壽元

苻堅永興元年稱大秦天王赦改元 三年鳳皇集於東

關大赦 建元六年平燕大赦 十一月以王猛病未痊

大赦殊死已下 十九年伐晉敗歸赦死已下

苻丕太安元年卽位大赦

苻登太初元年卽位大赦 七年秣馬厲兵告堅神主大

赦 九年間姚萇死大赦

以上前秦

燕慕容垂建興元年卽位大赦改元

慕容寶永康元年大赦 三年蘭州奉太子策承制大赦

慕容盛建平元年七月告成宗廟大赦改元以長樂十月王稱制

卽皇帝位大赦殊死已下 長樂元年大赦改元 二年

正月大赦去帝號稱庶民天王立定爲太子大赦

慕容熙光始元年卽位大赦 四年立后赦 建始元年

大赦改元

高雲正始元年卽天王位大赦改元

以上後燕

秦姚萇白雀元年稱王大赦改元 建初元年稱帝大赦
改元

姚興皇初元年卽位大赦改元 弘始元年大赦改元

四年立皇太子大赦 八年姚頡德來朝大赦

姚泓永和元年卽位大赦改元

以上後秦

燕慕容德燕元年卽位大赦 建平元年稱帝大赦改元

六年立皇太子大赦

慕容超太上四年郊遇災異懼而大赦

以上南燕

夏赫連勃勃龍昇元年自稱天王大單于大赦改元 鳳翔元年大赦改元 昌武元年克長安稱帝大赦改元 眞興元年統萬所建宮殿苑囿成大赦改元

赫連昌承光元年卽位大赦改元

赫連定勝光元年卽位大赦改元

以上夏

涼張軌晉永嘉四年赦州內殊死已下

張茂攝州事大赦

張駿茂之四年拜涼州牧大赦 四年赦其境 永樂元

年拜子爲世子大赦

張祚和平元年卽王位改元赦

張元靖和平二年爲西平公赦

張天錫十年疾瘳大赦

以上前涼張氏僻在一方故事多散逸

蜀李特建初元年自稱益州牧改元大赦

李雄建興元年卽成都王位大赦建元 晏平元年卽帝

位大赦改元國號大成 玉衡元年攻涪陷之大赦改元

二十三年有南中之地赦其境內

李期玉恒元年大赦改元

李壽漢興元年卽位大赦改元

李勢卽位大赦改元太和 嘉甯元年誅李奕大赦改年

以上蜀

涼呂光大安元年聞苻堅爲姚萇所害哭泣三日大赦改

元 麟嘉元年稱三河王大赦改元 龍飛元年卽天王

位大赦改元

呂纂咸甯元年卽位大赦改元

呂隆神鼎元年卽位大赦改元

以上後涼

秦乞伏乾歸太初元年爲河南王大赦改元 七年稱秦

王大赦 更始元年復稱秦王大赦

乞伏熾磐永康元年卽位大赦改元 建弘元年立皇太

子大赦改元

乞伏慕末永弘元年大赦改元

以上西秦

涼秃髮烏孤太初元年自稱平西王改元赦

秃髮利鹿孤卽位大赦 建和元年大赦改元

秃髮傳檀嘉平元年稱涼王大赦改元

以上南涼

涼李暠元年爲涼公大赦 建初元年大赦改元

李歆嘉興元年大赦改元

以上西涼

涼沮渠蒙遜永安元年爲涼州牧大赦改元 王始元年

卽河西王位大赦改元 二年母疾大赦 六年大旱大

赦 承元元年大赦改元 義和元年大赦改元

執赦連定

沮渠茂虔永和元年卽位大赦改元

以上北涼

燕馮跋太平元年卽位大赦改元

馮弘太興元年大赦改元

以上北燕

按崔鴻十六國春秋久已散逸茲從晉書載記及十六

國春秋輯補本摭赦事如此弗能詳也

唐

唐書高祖紀武德元年卽位大赦改元 四年七月大赦

東都五年四月釋流罪以下 六年十月降死罪流以下

原之 七年四月大赦時輔公祿平 詔見冊府 九年六月秦王世

民殺皇太子建成齊王元吉大赦

按高祖在位九年大赦四降一釋流罪以下一又曲赦

九

太宗紀武德九年八月大赦武德流人還之 貞觀二年

三月以旱蝗責躬大赦 四年二月大赦伐突厥克之 詔見冊府 五

年五月皇太子承乾疾篤請降囚徒許之見冊府中 紀不載 八年

二月皇太子加元服降死罪以下 九年三月大赦 十

七年四月立皇太子大赦 二十一年正月慮囚降死罪

以下 二十三年三月己未自冬旱至是雨辛酉大赦

按太宗在位二十三年大赦六降一流罪以下一又曲

赦十四

高宗紀貞觀二十三年卽位大赦 永徽元年七月以旱

慮囚八月降死罪已下 三年正月以旱避正殿減膳降

囚罪徒以下原之冊府云流以下放免七月立皇太子大赦 六年

二月皇太子加元服降死罪已下十月立皇后大赦 顯

慶元年正月立皇太子大赦改元 四年十月皇太子加

元服大赦 龍朔二年七月以子旭輪生滿月大赦 乾

封元年正月封于泰山大赦改元 總章元年三月大赦

改元 咸亨元年三月大赦改元以京師旱 上元元年八月

大赦改元追尊祖宗謚號長流人並放還 二年六月立皇太子大赦

儀鳳元年十一月大赦改元陳州言鳳皇見 三年四月大赦 調

露元年六月大赦改元 永隆元年立皇太子大赦改元
永淳元年二月以孫重照生滿月大赦改元 弘道元
年十二月大赦改元

按高宗在位三十四年大赦十七降三又曲赦十八
武后紀弘道元年十二月皇太子卽位尊后爲皇太后臨
朝稱制大赦

光宅元年二月廢帝立豫王旦爲皇帝大赦九月大赦改
元 垂拱元年正月大赦改元 二年正月大赦 三年
七月大赦 十二月拜洛受圖大赦 永昌元年正月享
于萬象神宮大赦改元 天授元年正月大赦改元載初
九月改國號曰周大赦改元 四年二月大赦 長壽元
年四月大赦改元如意九月大赦改元 二年九月加號
大赦 延載元年五月加號大赦 天冊萬歲元年正月

加號改元證聖大赦九月郊加號大赦改元 萬歲通天
元年臘月改元萬歲登封大赦三月復作明堂改曰通天
宮大赦改元 神功元年九月大赦改元 聖歷元年正
月大赦改元九月立廬陵王顯爲皇太子大赦 二年正
月賜皇太子姓武氏大赦一月 久視元年五月大赦改
元十月復唐正月大赦 長安元年四月大赦十月大赦
改元 二年十一月郊大赦 五年正月大赦

按武后僭位二十一年大赦二十九又曲赦九唐代大
赦之多於斯爲甚冊府元龜詳載唐赦事而不及武后
蓋削除之矣

中宗紀神龍元年正月張柬之等討亂甲辰皇太子監國
大赦改元丙午復位大赦二月皇后韋氏復于位大赦九
月祀明堂大赦十一月及皇后享于太廟大赦

按一年五赦中宗之昏懦卽此事可見

二年十一月大赦

景龍元年七月大赦

太子舉兵誅武三思不克死之

九月大赦改元

受神龍皇帝尊號

二年二月大赦

皇后衣裙有五色雲圖示

百十一月大赦

安樂公主下降

三年郊大赦

按中宗在位六年大赦六又曲赦三

睿宗紀景雲元年六月韋后弑中宗矯詔立温王爲皇太

子卽位大赦改元唐隆庚子臨淄郡王討亂誅韋氏等辛

丑大赦甲辰帝卽位大赦立平王隆基爲皇太子七月大

赦改元

二年四月大赦八月大赦

舊宅枯林重生

先天元年正

月大赦改元太極五月大赦改元延和八月皇太子爲皇

帝自爲太上皇大赦改元 二年三月詔京城見禁囚除

死罪以外並特赦免營農天下諸州准此本紀不載七月

甲子大赦歸政

誅太平公主等

按睿宗在位三年大赦八放免一又曲赦一

元宗紀先天元年八月卽位十月享于太廟大赦 開元元年七月丁卯大赦改元 二年二月慮囚六月甲子以太上皇避暑徙御大明宮

按冊府六月甲子以太上皇避暑制兩京及諸州宜令長官親理冤獄除犯名教及官典犯贓并緣妖僞以外餘罪徒以下咸宜放免此卽慮囚也與紀月分不符

三年正月立皇太子降死罪流以下原之二月赦囚非惡逆造僞者 五年正月如東都二月大赦 九年五月原見囚死流罪隨軍効力徒以下未發者 十一月大赦

十一年十一月郊大赦 十三年正月降死罪流以下原之十一月封禪大赦 十五年八月降天下死罪嶺南邊州流人徒以下原之 十六年正月許徒以下囚保任營

農三月免營農囚罪九月以久雨降囚罪徒以下原之

十七年四月降死罪流已下原之十一月謁諸陵還大赦

十八年二月免囚罪杖以下

冊府正月迎氣東郊大赦罪已下咸赦除之與此文

同不 十九年四月降死罪以下八月以千秋節降死罪流

以下原之 二十年二月降囚罪徒以下原之十一月如

汾陰祠后土大赦 二十一年五月皇太子納如降死罪

流以下原之 二十二年四月降死罪以下 二十三年

正月耕籍大赦 二十四年四月降死罪以下 二十六

年正月迎氣東郊降死罪流以下原之 四月有司讀時

令降死罪流以下原之 六月立皇太子七月大赦 二

十七年上尊號大赦 二十九年正月降死罪流以下原

之 夢元元皇帝書

真容布告天下 天寶元年正月大赦改元三月郊大

赦 三載正月改年爲載降死罪流以下原之三月降死

罪流以下原之十二月祠九宮貴神于東郊大赦 六載
正月郊大赦七月以旱降死罪流以下原之 七載五月
上尊號大赦 八載閏六月上尊號大赦 十載正月郊
大赦 十三載正月上尊號大赦 十四載八月降死罪
流以下原之 十五載七月次蜀郡八月大赦

按元宗在位四十四年大赦二十降二十曲赦十四

肅宗紀至德元載七月卽位大赦改元 二載十二月上

皇至自蜀大赦 乾元元年二月上上皇冊號曰聖皇天

帝大赦改元四月大赦親行郊十月立皇太子大赦 二

年三月以旱降死罪流以下原之 三年二月降死罪流

以下原之 上元元年三月降死罪流以下原之閏月大

赦改元 二年正月降死罪流以下原之九月大赦 寶

應元年建卯月大赦建辰月大赦建巳月皇太子監國大

赦改元

楚州獻定國寶十有三因以建元

按肅宗在位七年大赦十降三又免徒一寶應元年二月至四月月一赦加以代宗卽位又赦一年四赦矣
代宗紀寶應元年四月卽位五月大赦 廣德元年七月上尊號大赦 二年二月郊大赦 永泰元年正月大赦改元 大曆元年十一月大赦 四年七月降死罪流以下原之 五年六月以彗星滅降死罪流以下原之 七年五月以旱大赦 八年五月降死罪流以下原之 九年四月大赦

按代宗在位十七年大赦七降三又曲赦二

德宗紀大曆十四年五月卽位六月大赦 建中元年正月改元上尊號郊大赦 興元元年正月大赦改元 七月至自興元大赦 貞元元年正月大赦改元十一月郊

大赦 四年正月大赦 六年十一月郊降囚罪徒以下

原之 九年十一月郊大赦

按德宗在位二十五年大赦八降一

順宗紀貞元二十一年正月卽位大赦四月冊皇太子降死罪以下 永貞元年八月立皇太子爲皇帝自稱太上皇改元降死罪以下

接順宗在位一年大赦一降二

憲宗紀元和元年正月大赦改元六月降死罪以下 二年正月郊大赦 三年正月上尊號大赦 四年六月立皇太子十月降死罪以下 七年七月立皇太子十月降死罪以下 十三年正月大赦淮蔡平 十四年正月上尊號大赦

接憲宗在位十五年大赦五降三 八年至十二年凡五

年不赦赦事之少惟此時

穆宗紀元和十五年閏月卽位二月大赦 長慶元年郊
大赦改元七月上尊號大赦 二年十二月立皇太子降
死罪以下 四年正月降死罪以下減流人一歲

按穆宗在位四年大赦三降二又曲赦三

敬宗紀長慶四年正月卽位三月大赦 寶曆元年正月
郊大赦改元四月上尊號大赦

按敬宗在位二年大赦三又別赦一

文宗紀寶曆二年十二月卽位太和元年二月大赦改元
三年十一月郊大赦 六年正月降死罪以下去冬雨
雪寒甚

七年八月降死罪以下冊府冊皇太子本紀立
皇太子在六年十一月 八年

二月以疾愈降死罪以下 開成元年正月大赦改元

二年二月以彗見降死罪流以下原之 三年十一月降

死罪以下再見

以妖星

按文宗在位十四年大赦二降五又曲赦四

武宗紀開成五年正月卽位二月大赦 會昌元年郊大赦改元 二年四月上尊號大赦 五年正月上尊號郊大赦 六年二月以旱降死罪以下

按武宗在位六年大赦四降一

宣宗紀會昌六年三月卽位五月大赦 大中元年郊大赦改元 二年正月上尊號大赦 四年正月大赦 七年正月郊大赦 十三年正月大赦

按宣宗在位十三年大赦六自八年至十二年五年不赦又曲赦二

懿宗紀大中十三年八月卽位十月大赦 咸通元年十一月郊大赦改元 三年上尊號大赦十一月降死罪

四年正月郊大赦 七年十一月大赦以復安南 八年五月

以不豫降囚罪出宮人 十一年正月上尊號大赦 十

四年四月大赦迎佛骨

按懿宗在位十四年大赦七降二

僖宗紀咸通十四年七月卽位十二月大赦 乾符元年

二月降死罪以下十一月改元冊府郊廟大赦改元 二年正月郊

大赦 三年二月以旱降死罪以下 四年正月降死罪

以下二等 中和元年七月大赦改元 光啓元年三月

至自成都大赦改元五月上尊號大赦木紀不載 三年七月

降死罪以下 文德元年二月至自鳳翔大赦改元

按僖宗在位十五年大赦七降四又曲赦二

昭宗紀文德元年三月卽位龍紀元年正月大赦改元十

一月郊大赦 大順元年正月上尊號大赦改元 二年

四月有彗星大赦 景福元年正月大赦改元 乾甯元
年正月大赦改元 四年二月立皇太子大赦 光化元
年五月大赦后立八月至自華州大赦改元 天復元年四
月大赦改元 三年正月至自鳳翔大赦 天祐元年四
月大赦改元遷都洛陽

按昭宗在位十六年大赦十二又曲赦三

昭宣帝天祐元年八月卽位

按昭宣帝在位四年惟曲赦二下郊不行朱全忠不以
君事之矣

赦四終